

Socijalna integracija u Holandiji

Obavezni ste položiti ispit u Holandiji

Radi se o ispitu iz socijalne integracije u Holandiji. Taj ispit je teži od osnovnog ispita pošto ste tokom pripreme za njega još bolje savladali holandski jezik. Istovremeno ste još mnogo toga novoga saznali o Holandiji, pa se možete bolje integrirati u holandsko društvo. Također vam se pruža i veća šansa da nađete posao.

Ispit se sastoji od 6 dijelova.

1. Vještina čitanja - morate biti u stanju čitati tekstove na holandskom jeziku.
2. Vještina slušanja - morate biti u stanju razumjeti govor na holandskom jeziku.
3. Vještina pisanja - morate biti u stanju pisati tekst na holandskom jeziku.
4. Vještina govora - morate biti u stanju voditi razgovor na holandskom jeziku.
5. Poznavanje holandskoga društva - morate znati na koji način mi u Holandiji postupamo jedni prema drugima i kakva pravila ovdje važe.
6. Snalaženje na holandskom tržištu rada - morate biti u stanju naći posao.

Kako se polaže ispit?

1. Vještina čitanja

Ispit radite na računaru. Čitate zadate tekstove. To, na primjer, mogu biti tekstovi uzeti iz novina. Uz svaki tekst ćete dobiti nekoliko pitanja. Od nekolicine ponuđenih odgovora birate onaj odgovor kojeg smatrate ispravnim.

2. Vještina slušanja

Ispit radite na računaru. Gledate filmove i istovremeno slušate govor. Uz svaki film ćete dobiti nekoliko pitanja. Od nekolicine ponuđenih odgovora birate onaj odgovor kojeg smatrate ispravnim.

3. Vještina pisanja

Ispit radite na papiru. Dobićete nekoliko različitih zadataka. Na primjer:

- Napišite kratko pismo.
- Popunite formular.
- Završite rečenicu.
- Napišite e-mail poruku prijatelju/prijateljici kojem/kojoj je rođendan
- Popunite formular koji ste dobili od agencije za zapošljavanje.

4. Vještina govora

Ispit radite na računaru. Ispit se sastoji od 2 dijela.

1. Biće vam postavljena pitanja. Morate izgovoriti tačan odgovor.
2. Gledate filmove i slušate što se govori u njima. Od nekolicine ponuđenih odgovora birate onaj odgovor kojeg smatrate ispravnim.

5. Poznavanje holandskoga društva

Ispit radite na računaru. Gledate filmove i slušate što se govori u njima. Uz svaki film ćete dobiti nekoliko pitanja. Od nekolicine ponuđenih odgovora birate onaj odgovor kojeg smatrate ispravnim.

6. Snalaženje na holandskom tržištu rada

Ovaj ispit se sastoji od 2 dijela.

1. Potrebno je da otvorite posebnu fasciklu u kojoj ćete unijeti sve podatke o sebi koje smatrate potrebnim da biste se na profesionalan način predstavili. U njoj ćete, na primjer, opisati što sve znate raditi, kao i kakvu vrstu posla biste željeli raditi -

kako sada, tako i nakon nekoliko godina. Takva fascikla se naziva portfolio. Vidi primjer.

2. Vaš portfolio će zatim biti pregledan. Je li on odobren? Ako jeste, onda se morate pojaviti na razgovoru. Razgovor će se voditi o portfolioju.

Morate se sami potruditi da položite ispit.

To znači da morate samostalno učiti. U tu svrhu morate samostalno tražiti pomoć.

Kurs socijalne integracije vam nudi više šanse da položite ispit iz socijalne integracije. Međutim, pohađanje ovog kursa nije obavezno.

Želite li se upisati na kurs socijalne integracije? Posjetite onda sljedeći website:

www.ikwilinburgeren.nl.

Ispit i kurs morate sami platiti.

Niste u stanju platiti? U tom slučaju, možete uzeti novčani kredit. Novčani kredit možete tražiti u svrhu plaćanja ispita. Novčani kredit uzimate u instituciji DUO.

Pozajmljeni novac ćete morati vratiti. Na pozajmljeni novac plaćate kamatu.

Zašto je potreban portfolio?

Teško je naći i zadržati posao.

Zbog toga treba da imate sastavljen portfolio: To je posebna fascikla u kojoj ćete unijeti sve podatke o sebi koje smatrate potrebnim da biste se na profesionalan način predstavili. Ona također sadrži i informacije o poslovima kojima se možete baviti. Dobivate li dozvolu boravka 1. januara, 2015., ili kasnije? U tom slučaju, od 1. januara, 2015., portfolio je obaveza dio ispita. On je dio ispita „Snalaženje na holandskom tržištu rada“. Želite li saznati nešto više detalja? Pogledajte na website www.inburgeren.nl.

Što treba biti uključeno u portfolio?

Portfolio sadrži kartice: Kartice s rezultatima. Kartice pišete samostalno:

- Razmislite najprije o tome koji posao želite raditi. Nakon toga, napišete koji posao želite raditi.
- Razmislite najprije o tome koji posao umijete raditi. Nakon toga, napišete koji posao umijete raditi.
- Razmislite najprije o tome koji poslovi se nude na tržištu rada. Nakon toga, napišete koji poslovi se nude na tržištu rada.
- Učite na koji način ljudi u Holandiji rade. Razmislite što je to što kod sebe morate promijeniti kako biste mogli raditi u Holandiji. Zatim napišete što je to što morate mijenjati.
- Razmislite najprije o tome koji posao biste kasnije željeli raditi. U tu svrhu, potrebno je da sastavite plan - plan karijere.